



Alkitab Buat Bocah  
Nampilin

Pas Tuhan Ngebikin  
Semuanyé



Nyeng nulis: Edward Hughes

Nyeng bikin gambar: Byron Unger; Lazarus  
Alastair Paterson

Nyeng nyocokin: Bob Davies; Tammy S.

Nyeng terjemahin: [www.christian-translation.com](http://www.christian-translation.com)

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.




Siapé nyang nyiptain kité? Alkitab, Firman Tuhan, nyeritain gimané peradaban manusia dimulai. Dulu banget, Tuhan ngebikin laki-laki pertamé dan ngenamainnyé Adam. Tuhan ngebuat Adam dari debu bumi. Pas Tuhan niup kehidupan ke Adam, dié jadi idup. Dié nyadar kalo dié lagi disebuah taman



nyang cakep  
nyang bernamé  
Eden.

Sebelum Tuhan ngebikin Adam, Dié ngebikin dunia  
nyang indah dipenuhin amé hal-hal cakep.




Langkah demi langkah Tuhan bikin tempat-tempat  
bebukit, ladang rumput, bunga berbau sedap amé  
pohon-pohon nyang jangkung, burung nyang bulunyé  
mengkilap amé lebanh nyang ngedengung, paus nyang  
berkubang amé bekicot nyang licin. Kenyataanyé,



Tuhan ngebikin semué  
langsung adé  
disitu semué.

Pas awal-awal  
banget, sebelum  
Tuhan bikin  
semuonyé, disono  
kaga adé apé-apé  
kecuali Tuhan.  
Kaga adé orang  
atau tempat atau  
sesuatu.




Pada awalnyé, Tuhan ngebikin  
sorga amé bumi.




Terus bumi belom berbentuk  
dan kosong. Amé  
kegelapan bermuké  
dari kedaleman.


Terus Tuhan  
ngomong.  
"Jadilah  
terang."



Terus terang ntu jadi. Tuhan nyebut terang Siang  
amé gelap Dié sebut Malem. Terus malem amé pagi  
ntu jadi hari nyang pertamé.



Pas hari kedua, Tuhan ngebawa aer bakal samudera,  
lautan amé setu nyang bebaris dibawahnyé Sorga.  
Pas hari ketiga, Tuhan ngomong, "Biarlah lahan  
kering tercipta." Dan langsung kejadian.



Tuhan jugé merintahin rumput amé bunga amé semak amé pohon biar muncul. Terus mereka muncul. Terus malem amé pagi ntu jadi hari nyang ketigé.



Trus Tuhan ngebuat matahari, amé  
bulan, amé bintang-bintang nyang  
kaga bisé diitung banyakknyé.

Terus malem amé pagi ntu  
jadi hari nyang keempat.



Makhluk-makhluk laut amé ikan amé burung jadi nyang berikutnyé nyang adé di daftarnyé Tuhan. Pas hari kelimé Dié buat ikan todak nyang gede amé tuna nyang kecil, burung onta bekaki panjang amé burung riang nyang bersenandung. Tuhan ngebikin semué macem ikan buat menuhin aernyé bumi amé semué jenis burung buat ngenikmatin daratan amé laut amé langit. Terus malem amé pagi ntu jadi hari nyang kelimé.



Abis ntu, Tuhan ngomong lagi. Dié ngomong, "Jadilah dibumi bermacam makhluk idup ..." Segalé macem amé seranggé amé reptil langsung muncul. Disono adé gajah- gajah nyang ngegoncang bumi amé berang-berang nyang lagi pada sibuk. Monyet-monyet nyang bangor amé buaya-buaya nyang ceroboh. Cacing begelombang amé tupai-tupai nyang berpipi tebel. Jerapah nyang demen begerombol amé kucing nyang lagi ngorok. Semua jenis hewan dibuat Tuhan pas hari entu.



Terus malem amé pagi ntu  
jadi hari nyang keenem.



Tuhan ngebuat hal laén pas hari keenem - sesuatu nyang istimewa banget. Semuanyé udeh siap buat Manusia. Disono udeh adé makanan didaratan amé hewan-hewan buat ngelayanin manusia. Terus Tuhan ngomong, "Biarlah kité ngembuat manusia kayak rupa Kité. Biarlah mereka jadi tuan atas segalé nyang adé dibumi." LALU TUHAN NGEBUAT MANUSIA SESUAI AMÉ RUPA DIÉ; SESUAI RUPA TUHAN DIÉ MENCIPTAKAN NYA ...



Tuhan ngomong ke Adam. "Makan apé ajé nyang enté pengen dari ni taman. Tapi jangan makan dari pohon tentang pengetahuan nyang baé amé jahat. Kalo enté makan dari ntu pohon, enté pasti bakalan mati."




Terus Tuhan ALLAH ngomong, "Kaga baé kalo laki sendirian begini. Ayé bakal bikin penolong untuk dié." Tuhan ngebawa segalé burung-burung amé hewan-hewan buas ke Adam. Adam ngenamain semuenyé. Dié pasti pinter banget ampe bisé ngelakuinyé. Tapi dari semué burung-burung amé hewan-hewan buas kaga adé nyang cocok buat jadi



temennyyé  
Adam.



Tuhan ngebikin Adam molor nyenyak banget.  
Ngelepasin atu dari tulang rusuk laki nyang lagi  
molor. Tuhan ngebentuk Perempuan dari tulang  
rusuknyé Adam. Perempuan  
nyang dibuat Tuhan pas  
banget buat jadi  
temennya Adam.



Tuhan ngebuat semuanyé dalam enem hari.  
Terus Tuhan ngeberkatin hari nyang ketujuh  
amé buat ntu hari jadi hari buat ngaso. Di  
Taman Eden, Adam dan Hawa bininyé  
punye kebahagiaan mematuhi Tuhan.  
Tuhan adalah ALLAH mereka, pemberi  
mereka amé temennyyé mereka.



Pas Tuhan Ngebikin Semuanyé

Sebuah cerita dari perkataannya Tuhan, Alkitab

Ditemuin di

Kejadian 1-2

“Palang pintu Firman Engkau ngasih terang.”  
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

